

臨 終 關 懷

◎ 大科說明：

甲一、明臨終關懷之重要

甲二、如何作好臨終關懷

甲三、結示勸修

今初

甲一、明臨終關懷之重要二

乙一、臨終往生之差別因緣

(一)隨業(習)往生：

「又行善不善補特伽羅，將命終時；或自然憶先所習善及不善，或他令憶。彼於爾時，於多曾習力最強者，其心偏記，餘悉皆忘。若俱平等曾串習者，彼於爾時，隨初自憶，或令他憶，唯此不捨，不起餘心。彼於爾時，由二種因增上力故，而便命終；謂樂著戲論因增上力，及淨不淨業因增上力。」

「若行不善業者，當於爾時，受先所作諸不善業，所得不愛果之前相，猶如夢中，見無量種變怪色相。依此相故，薄伽梵說：若有先作惡不善業及增長已。彼於爾時，如日後分，或山山峰影等，懸覆、偏覆、極覆。當知如是補特伽羅，從明趣闇。」

「若先受盡不善業果而修善者，與上相違。當知如是補特伽羅，從闇趣明。此中差別者，將命終時，猶如夢中，見無量種非變怪色可意相生。」

— 《瑜珈師地論》 —

(二)隨念往生

「從生作善，臨終惡念，便生惡道。」


「從生作惡，臨終善念，便生善道。」


— 《大智度論》 —

乙二、臨終處理好壞之得失

臨終一關，最為要緊。世有愚人，於父母眷屬臨終時，輒為悲痛哭泣，洗身換衣，只圖世人好看，不計貽害亡人。不念佛者，且置勿論。即志切往生，臨終遇此眷屬，多皆破壞正念，仍留此界。臨終助念，譬如怯夫上山，自力不足，幸有前牽後推，左右扶掖之力，便可登峰造極。臨終正念昭彰，被魔眷愛情搬動等破壞者，譬如勇士上山，自力充足，而親友知識，各以己物，令其擔負，擔負過多，力竭身疲，望崖而退。此之得失，雖由他起，實屬往者劫中，成全破壞人之善惡業力所致。凡修淨業者，當成全人之正念，及預為眷屬，示其利害，俾各知所重在神識得所，不在世情場面好看，庶可無虞矣！


——《印光大師文鈔》——





甲二、如何作好臨終關懷

其有父母兄弟及諸眷屬，若得重病勢難痊癒者，宜發孝順慈悲之心，勸彼念佛求生西方，併為助念，俾病者由此已死，即生淨土，其為利益，何能名焉。今列三要，以為成就臨終人往生之據。語雖鄙俚，意本佛經，遇此因緣，悉舉行焉。言三要者，第一善巧開導安慰，令生正信。第二、大家換班念佛，以助淨念。第三、切戒搬動哭泣，以防誤事。果能依此三法以行，決定可以消除宿業，增長淨因，蒙佛接引，往生西方。一得往生，則超凡入聖，了生脫死，漸漸進修，必至圓成佛果而後已！



甲三、結示勸修

(一)

無論在家在庵，必須敬上和下。忍人所不能忍，行人所不能行。代人之勞，成人之美。靜坐常思己過，閒談不論人非。行住坐臥，穿衣吃飯，從朝至暮，從暮至朝，一句佛號，不令間斷，或小聲念，或默念。除念佛外，不起別念，若或妄念一起，當下就要教他消滅。常生慚愧心及生懺悔心，縱有修持，總覺我工夫很淺，不自矜誇。只管自家，不管人家，只看好樣子，不看壞樣子。看一切人，皆是菩薩，唯我一人，實是凡夫。汝果能依我所說而行，決定可生西方極樂世界。

在另外一個檔案

(二)

「逆境來時莫動瞋，
西方佛子等疏親，
我今暫作娑婆客，
不久蓮池會上人。」

——《臨終關懷》講表竟——